

Date – 17/10/2025

Time - 7:30 -7:40 Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Khawzawl District Development Co-ordination and Monitoring Committee chu an Chairman, Pu Richard Vanlalmangaiha, Lok Sabha MP kaihhruaiin nimin khan an thukhawm.
2. Aizawl District Child Protection Unit chuan nimin khan Sesawng ah POCSO Act hnuaia hmeichhe naupang khawihchhiat chungchang zirhona an buatsaih .
3. Prime Minister Narendra Modia chuan India in energy thianghlim siam chhuah leh kawlphehtha siam chhuah lamah nasa takin hma a sawn a ti.
4. Union Home Minister Amit Shaha chuan ni hnih chhungin Naxal hel mi 258 sawrkar kutah an inpe a ti.

<><><>

KHAWZAWL DISHA

Khawzawl District Development Co-ordination and Monitoring Committee (DISHA) chu an Chairman, Pu Richard Vanlalmangaiha, Lok Sabha MP kaihhruaiin nimin khan DC Conference Hall, Khawzawlah an thukhawm.

Lok Sabha MP Pu Richard Vanlalmangaiha chuan DISHA hmalakna te ngaithlain puih theih zel dan tur a ngaihtuah ang tih a sawi a, India ram hmasawn nan district hrang hrangah MP hovin scheme hrang hrang DISHA kaltlangin hmalakna te endikna neih thin a ni a, Sawrkar laipui scheme (Centrally Sponsored Scheme) te chu mipuite chawikan nan leh ram hmasawn nan a pawimawh hle a ni tih sawiin, heng scheme kalpuitu department hotute chu theih tawp chhuah theuh turin a sawm nghal a ni.

VC

Khawzawl DISHA meeting ah hian SDO (Sadar) Pu Suvigya S. Chandra chuan Dept hrang hrang hnuaia scheme leh prog kalpui mek te a sawifiah a, Rural Development, PWD, Agriculture & Farmers' Welfare, Horticulture, LAD, UD&PA, Irrigation & Water Resources, Animal Husbandry & Dairying, Women & Child Development, Health & Family Welfare, PHED, Education, FCS&CA, Fisheries, Lead Bank, BBNL, P&E leh KVK hnuaia scheme a zawhna te department hotute'n chhangin Hmalakna an kalpui dan te, hmachhawp an neih te leh scheme hrang hranga hlawhtlinna an lo neih tawh te an tarlang a ni.

Khawzawl DISHA thutkhawmah hian Khawzawl Bawrhsap leh DISHA Member-Secretary ni bawk Pu K. Vanlalthiana, DISHA member te, department hotute, VC member te leh khawtlang hruaitute an tel a ni.

DISHA hi sawrkar laipui hmalakna viltu Committee a nih piah lamah Department hrang hrangte inkarah thawhhona tha siam a, Scheme a hlawhtlin theihna tura thawhho dan kawng tha zawk sial tura din a ni.

<><><>

LUNGLEI SP

Lunglei District Superintendent of Police Pu J. Lalmuankima, chuan pawikhawihna leh thil diklo tihna a thlenin kha hun kha Forensic hmanga chhuifiah theih tur a lo humhim a ngai a, bungrua lo senghawi emaw, hnuhma tireh ang zawng a chet loh a ngai a ni a ti.

He thu hi niminathuthar lakhawm tu te nen a Office a an in kawm naah sawiin Lunglei SP chuan misual leh pawikhawihtu te hnuhma hi Forensic hmanga finfiah zel turin Lunglei Police Station-ah pawh Forensic expert mi 7, Forensic Van(Motor) an nei tih a sawi a, mahse hmun engemawzatah tualthahna emaw, inrawk leh thil dang hnuchhui harsa khawp a hnuhma lo senghawi te a awm thin a, hei hian duh ang taka hnuchhui a ti harsa thin a ni a ti.

Hetihruah hian kumtling lo leh Licence neilo te Lirthei khalh tir lo tur in nu leh pa te a ngen a, kumtling lo in lirthei a khalh avanga pawikhawihna leh chetsualna a thlenin naupang kumtling lo kha hrem theih ni lo mahse an nu leh pa te zawk khan an tuar thei a ni a ti. Heimai ni lovin an thiamna zawkah pawh chetsualna a thlen in Insurance claim theih a ni lo tih hriat nawn a ngai tih a sawi. Heibakah mahni lirthei windshield-ah phone number tar theuh tur in lirthei neitu te a ngen a, hei hi a tul angin bawhzui a ni ang a ti.

Traffic Police indaihlohna puhru turin Private Security, JKH Security Lunglei ah a awm dawn tih sawiin inneih, lungphun, Kohhran Inkhawmpui leh eng emaw mipui punkhawmna a awm changin Traffic Police te dil an ni thin a, hei hian Traffic Police duty indaihlohna nemenlo a siam thin. JKH Security te hi Traffic Police hotu ten Theory leh Practical in Training an pe ang a, hemi hnuah chuan Traffic Police (Regular) kaihhruaina hnuaiah an duty ve tawh ang a, an hlawh tur chu an va duty na hmun a mimal emaw pawl khan an tum mai tawh dawn a ni a ti.

Lunglei Police te hian CCTV Camera tha tak hmangin Serkawn leh AOC Square inkar an vil reng a, zanah pawh thlalak fiah tha tak niin a aia changkang leh tha nei turin tunah hian ruahmanna an siam mek a ti. Lunglei Police te hian January thla atang khan rukruk thubuai 23 ziaklutin inrawk 66 an ziak lut a ni tih SP chuan a sawi.

<><><>

BBBP

Aizawl District Child Protection Unit chuan nimin khan Sesawng VC-1 Community Hall-ah 'Beti Bachao Beti Padhao (BBBP) Campaign an buatsaih a, POCSO Act hnuaia hmeichhe naupang khawihchhiat chungchang zirhona an buatsaih a; Sesawng khaw chhunga sikul tin aiawhte leh nu leh pate an tel a ni.

Zirhonaah hian DCPO Pi R. Lalrinchhani chuan naupang dikna chanvo humhalh, enkawl leh venhim hi mitin mawhphurhna a nih thu a sawi a, naupangte himna atan hian sorkar mai ni lo, nu leh pa, chhungkua leh khawtlang, zirtirtu leh kohhran tan tlan a pawimawh thu leh chu chuan

Mizorama naupang chung a hleilenna leh pawikhawihna hluar lutuk a tihziaawm a beisei thu a sawi.

Pi R. Lalrinchhani chuan Vawiina naupang en dan chuan naktuk hun a hril tih hriain, naupangte dikna chanvo hriatsak leh humhalhsak kawngah tan lak a pawimawh a ti a, naupang tanpui ngaite tan engtik lai pawhin Child Helpine Number 1098-ah a thlawnin biak theih reng a nih thu a sawi bawk.

<><><>

SOCIAL ACTIVIST FILES FIR

Social activist Pi Vanramchhuangi chuan Agriculture Minister-in tualchhung chanchinbu leh social media hrang hrangah sawhthing leina sum cheng vbc 4-5 vel chingpen a awm thu a sawi chungchangah nimin khan Anti Corruption Bureau (ACB)-ah FIR a thehlut a, sawhthing leina sum ti chingpentute chhui chhuak ngei turin ACB a ngen.

Pi Vanramchhuangi hian a FIR thehluhah hian October ni 10 leh 11-a tualchhung chanchinbu leh social media site hrang hrangah sawhthing leina sum tihchingpen a awm thu Agriculture Minister-in a sawi tih a tarlang a; hei hi thil ngaih thutak chi a nih avangin mipui sum tam tak tichingpentute chu tute pawh ni se dan anga chhui a, an phutawh hremna an hmuh ngei theih nan FIR chu a thehluh thu a tarlang.

Mipui sum tihchingpenna lian tak thleng chungchang Minister meuhin a puanzar hnu pawha chhui zui a ni lo leh thubuai siamsak an la awm lo chu thil zahthlak tak a nih thu Pi Vanramchhuangi chuan a FIR thehluhah hian a tarlang a; He thil thleng hi ACB in hma inlak loh chuan, khua leh tuite'n sorkarah rinna nghah harsa an ti zual sawt anga, sorkar leh mipui inkar khi chat sa a zau belh ang a, kawng tinrengah Law & Order kenkawh a harsat phah ang a ti.

<><><>

JCM PRESS CONF

Joint Civil Society of Mizoram (JCM) hruaitute chuan Forest Conservation Amendment Act (FCAA) 2023 a adopt-na sût tura Mizoram sorkar ngenna leh Article 371-G chawinunna atan zanin hian bati chhia punkhawm huatsawt a tum a,

Hemi chungchang hi nimin khan Aizawl Press Club-ah thuthar thehdarhttute an hrilh a, JCM aiawh Pu Lalrammawia chuan, FCAA 2023 chu a nih ang anga Mizoram sorkarin a pawm chu Mizoram mipuite tan a him lo a, sut leh ngei tura roreltute an ngennaah an la din reng thu a sawi a; ram rorelna in sangah sût leh anih theih nan hma lak zel an tum thu sawiin, mipui tawiawmna an mamawh dawn thu a sawi a ni.

Pu Lalrammawia chuan state mipuiten chakkhai an lakna kawngpui chuan ngaihthah a hlawh nasa tih sawiin , ram hruaitute hian kawngpui sial thar mek leh siamthar tur ruahmanna an neihte thlengin Mizoram hmakhua ti thim zawngin ke an pen zel nia an hriat thu leh an rilru a nat thu a sawi a, Mizoram kawngpui dinhmun an fankualna leh report an dawn te atanga a chhiat chhana an hmuh te - sorkar inthlahdah leh ngaihthah vangte, over-load truck tlan tir vangte, Legal Metrology leh Transport Deptt. Enforcement chak

loh vangte a nih thu a sawi a; sorkar hian a inrelbawina lam thlenga in ennawn ngam turin an duh thu a sawi bawk.

He hunah hian Social Activist Pi Vanramchhuangi pawhin thusawiin sorkar hmasate chu sawi loh, tun sorkar chuan kum 2024 thal lai leh kumin thal laiin kawngpui a ngaihthah a ti a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PM IN ADNIRA

Prime Minister Narendra Modia chuan India in energy thianghlim siam chhuah leh kawlphehtha siam chhuah lamah nasa takin hma a sawn a ti. Nimina Andhra Pradesh-a Kurnool ah hmasawanna project cheng vaibelchhe sing 1 sang 3 leh 430 a hawannaah he thu hi sawiin Pu Modia chuan Andhra Pradesh chu technology lamah nasa takin hma a sawn a ti a.Kurnool chu Drone siamna hmunpui an din chho mek tih asawi.Nimina project hawn te hi industry, power transmission, kawngpui, relkawng, ralthuam siamchhuahna leh petroleum and natural gas lam te a ni a. Tukin khan Prime minister Modia hian Andhra Pradesh a thleng n Nandyal district-a Sri Bhramaramba Mallikarjun Swamy Varla Devasthanam a tlawh a. Srisailam-a Sree Spoorthi Kendra a tlawh bawk a ni.

<><><>

UNION HM

Union Home Minister Amit Shaha chuan ni hnih chhungin Naxal hel mi 258 sawrkar kutah an inpe a ti. Social Media ah he thu hi tarlangin Pu Shaha chuan nimin khan Chhatisgarh ah Naxal hel 170 an pek tih sawiin Nilainiah hel 27 sawrkar kutah an inpe bawk a ti a. Nilaini vek khan Maharastra-ah Naxal hel 61 in an ralthuam tungin sawrkar kutah an inpe bawk a ti a. Nikuma BJP in Chhatisgarh-a sawrkar an siam hnuah Naxalite 2000 chuang sawrkar kutah an inpe tawh a ti a.Hel 1800 dawn man an ni tawh tih sawiin hel 450 chuang kahhlum an ni bawk a ti a. Naxal helten tharum tawh bansan a, ram danpuia rinna an ngat chu fakawm a tih thu a sawi bawk a ni.

<><><>